

樊川詩集注

杜樊川集注序

義山牧之世亦以李杜並稱而玉谿生詩注釋者多詞旨愈晦自吾師馮孟亭先生澡雪精神蕩滌繁穢凡錦瑟碧城之什丹泥鏡檻之篇如燭照幽若針通結鄭箋有作楚豔斯張今驚庭編修其賢嗣也班固能續父書顏奐爲得臣義嘗以樊川一集前人未有發明取鈔羣言積牘盈尺既藏功有日矣新宮不戒餘燼莫收又復寒暑勤劬左右采獲遲之一紀始得醒焦桐於爨下回幸草于春餘注成屬余爲序余惟牧之內懷經濟之略外騁豪宕之才當其時藩鎮方張朝廷多事五諸侯並起欲逼天閭十常侍未除先驚帝座屯蜂畫聚社鼠宵行江充既兆亂於天臺賈誼轉埋忠于鵬舍往往激昂狂節搖蕩愁旌陳兵事之書一麾願乞揭舉言之目三則奚辭觀其獨酌成謠感懷發詠固非徒以一己牢愁之語託之無端綺靡之詞者也而乃偃蹇慕僚浮沉朝藉攬霜毛於春鏡裏雨褐于秋船始鯁空憂叫閨無助惟是留雲夢裏中酒花前憑街子而說生平對樽痛而論心事綠葉成陰之慨青樓薄倖之名壯志飄蕭才人落魄此又寫深情之帖莫喻纏綿讀小雅之篇難名悱惻也已驚庭博采史編綜核時事佇伊人于滄浦眷住蹟于朱坡浥彼餘波節之雜佩花紅玉白能通諷諭之心酒醒燈殘爲搃英雄之淚不穿鑿以側附不濫求以詭隨情貌無遺詮貫有敘起古人而亦感傳後學之不迷是一編也可以不朽矣獨念義山牧之實爲有唐一代詩人之殿座中原之牛耳張大國之聲弧並號霸才足推餘勇然而風流已遠文采僅存誠不意時閱乎千載之餘而注成於一家之手靈源得濬幽徑重搜若驚庭者在小杜爲功臣在吾師爲肖子蘭陵養志勝廣東哲之詩水調傳聲待續揚州之夢

嘉慶辛酉春二月既望錢唐吳錫麒撰

樊川詩注自序

注杜牧之樊川詩四卷既繫簡序之曰注詩之難昔人言之自孟子有知人論世及以意逆志之說而奉以從事者不無求之過深夫吾人發言豈必動關時事牧之語多直達以視他人之旁寄曲取而意爲辭晦者迥乎不侔且以毛公序詩師承有自而後儒尙有異議況其下此抑又可知茲故第詮事實以相參檢而意義所在略而不道昔人注書謂取證之書當以最先者爲主此亦難以概論神農本草伯禹山經其書多著漢時郡縣雖有遺文未可明也使釋山水草木者舍可据之經典而上取二書以是爲古未見其得又如湯告天之文今略見尙書湯誥而論語集解据墨子引湯誓然此可云書古文晚出也鳳兮鳳兮見論語莊子而劉峻注世說乃引列仙傳故知革故取新務在舍所習見而姬籍孔書或亦略諸至若周書之職方時訓多同周官月令國語之方左傳又重出而小異茲于地理職官其各見于新舊唐書及大典通典元和志等書者隨條分綴義在互著似斯類推難可枚舉亦藉以參離合備遺忘也王逸注離騷于縣圃引淮南子淮南實在屈後李善注洛神賦之遠遊履引繁欽定情詩而子建與繁同時若漢元帝紀自度曲臣瓚引張衡西京賦度曲未終而善注西京賦復引臣瓚漢書注爲證蓋古人著書往往偶用舊文古人引證往往偶隨所見茲歷選載言間從近取實用此道諒可無譏若夫左氏釋經多敘經外別事而摯虞之實杜氏釋例云左氏本爲春秋作傳而左氏遂自孤行釋例本爲傳設而所發明何但左氏故亦孤行茲于詮釋所及或遂衍及旁支不知所裁坐長繁蕪然不欲割棄姑亦存之至所引書如蕭統十二月啓隋煬望江南詞之類頗出後人僞託然意可證明亦間爲采摭所謂昔之見爲今今之所謂古也牧之詩向多有許渾混入者此四卷外又有外集別集各一卷茲多未暇論及蓋亦以牧之手所焚棄而散落別見者非其所

欲存也趙岐于孟子不爲外書四篇作注亦其例也牧之出處之迹史傳瞭如卽詩亦可概見茲仍其編次不加更定第才非著述多所闕謬豐取矜擇靡得而稱若其字句之異同則頗廣蒐他本詳爲附注蓋二字以上謂之一云一字謂之一作實用王欽臣談錄之例云嘉慶三年十月日桐鄉馮集梧書

樊川文集序

將仕郎守京兆府藍田縣尉充集賢殿校理裴延翰撰

長安南下杜樊鄉鄭元注水經實樊川也延翰外曾祖司徒岐公之別墅在焉上五年冬仲舅自吳興守拜考功郎中知制誥盡吳興奉錢初治其墅出中書直亟召昵密往游其地一旦談啁酒酣顧延翰曰司馬遷云自古富貴其各磨滅者不可勝紀我適雅走於此得官受奉再治完具俄及老爲樊上翁既不自期富貴要有數百首文章異日爾爲我序號樊川集如此顧樊川一禽魚一艸木無恨矣庶千百紙擲焚之才屬留者十二延翰自攝髮讀書學文率承導誘伏念始初出仕入朝三直太史筆比四出守其閒餘二十年凡有撰制大手短章塗稿醉墨碩夥纖屑雖適僻阻不遠數千里必獲寫示以是在延翰久藏著者甲乙籤目比校焚外十多七八得詩賦傳錄論辯碑誌序記書啓表制離爲二十編合爲四百五十首題曰樊川文集爲呼雖當一時戲感之言孰見魄兆而果驗白邪噫文章與政通而風俗以文移在三代之道以文與忠敬隨之是爲理具與運高下搜采古作者之論以屈原宋玉賈誼司馬遷相如揚雄劉向班固爲世魁傑然騷人之辭怨刺憤懣雖援及君臣教化而不能露洽持論相如子雲瑰麗詭譎變調多要寡漫義無歸不見治亂賈馬劉班乘時君之善否直豁己臆奮然以拯世扶物爲任纂緒造端必不空言言之所及則君臣禮樂教化賞罰無不包焉竊觀仲舅之文高騁躋厲旁紹曲撫繁簡渾圓勁出橫貫條濯瀟瀟支立鼓倚呵摩駁塚如火煦焉爬梳痛癢如水洗焉其挾剔挫僣敢斷果行若蒼牧野前無有敵其正視嚴聽前衡後鑒如整冠裳祇謁宗廟其聒齟爆聾迅發不慄若大呂勁鳴洪鐘橫撞擗裂噎噎憂切韶濩其砭髮嫉害隄障初終若濡囊於未焚膏癰於未穿裁培教化翻正治亂變醜養瘠臙

延薰斯有意趨買馬劉班之藩牆者邪其文有學言者原十六衛者戰守二論者與時宰論用兵論江賊二書者上獵秦漢魏晉南北二朝逮貞觀至長慶數千百年兵農刑政措置當否皆能采取前事凡人未嘗經度者若繩裁刀解粉畫綫織布在眼見耳聞下其誦往事則阿房宮賦刺當代則感懷詩有國欲亡則得一賢人決遂不亡則張保泉傳尙古兩柄本出儒術不專任武力者則注孫子而爲其序襄勸賢傑表揭職業則贈莊淑大長公主及故丞相奇章公汝南公墓誌擇白歷代取士得才率由公族子弟爲多則與高大夫書諫諍之體非許醜惡與主鬪激則論諫書若一縣宰因行德教不施刑罰能舉古風則謝守黃州表一存一亡適見交分則祭李處州文訓厲官業告東君命擬古典藉以寓誅賞則司帝之誥其餘述論讚誠興諷然傷易格異狀機鍵雜發雖絲遠弱幽醲腴壯響筆酣句健寔眇碎細包詩人之軌憲整揚馬之銜陳寧曹劉之骨氣撥顏謝之物色然未始不撥斷治本極幅道義鉤索於經史軀禦於理化也故文中子曰言文而不及理是天下無文也王道何從而興乎噫所謂文章與政通而風俗以文移果於是以下盛時理具踵三代而蔭萬古若躋太華臨溟渤但觀乎積高而沓深不知其磅礴瀟灑所爲遠大者也近代或序其文非有名與位則文學宗老子子既就其集寤寐思慮顛倒反覆不翅逾年苟墜承顧付與之言雖晦顯兩不相解在宅人無知狀者然以高有天幽有神陰有宰物者可自抵誣以甘罰殛邪故總條目彊自作序

舊唐書本傳 附杜佑傳

杜牧字牧之既以進士擢第又制舉登乙第解褐宏文館校書郎試左武衛兵曹參軍沈傳師廉察江西宣州辟牧爲從事試大理評事又爲淮南節度推官監察御史裏行轉掌書記俄拜監察御史分司東都以第顓病目棄官授宣州團練判官殿中侍御史內供奉遷左補闕史館修撰膳部比部員外郎並兼史職出牧黃池睦三郡復遷司勳員外郎史館修撰轉吏部員外郎又以第病免歸授湖州刺史入拜考功郎中知制誥歲中遷中書舍人牧好讀書工詩爲文嘗自負經緯才略武宗朝誅昆夷鮮卑牧上宰相書論兵事言胡戎入寇在秋冬之閒盛夏無備宜五六月中擊胡爲便李德裕稱之注曹公所定孫武十三篇行於代牧從兄悰隆威於時牧居下位心嘗不樂將及知命得病自爲墓誌祭文又嘗夢人告曰爾改名畢逾月奴自家來告曰炊熟而甑裂牧曰皆不祥也俄又夢書行紙曰皎皎白駒在彼空谷寤而歎曰此過隙也吾生於角微還於角爲第八富吾之甚厄也子自湖守遷舍人未還角足矣其年以疾終於安仁里年五十有集二十卷曰杜氏樊川集行於代子德祥官至丞郎

唐書本傳 附杜佑傳

杜牧字牧之善屬文第進士復舉賢良方正沈傳師表爲江西團練府巡官又爲牛僧孺淮南節度府掌書記擢監察御史移疾分司東都以第顓病棄官復爲宣州團練判官拜殿中侍御史內供奉是時劉從諫守澤潞何進滔據魏博頗驕蹇不循法度牧追咎長慶以來朝廷措置亡術復失山東鉅封劇鎮所以繫天下輕重不得承襲輕授皆國家大事嫌不當位而言實有舉故作舉言其辭曰生人常病兵兵祖於山東羨於天下不得山東兵不可去山東之地禹畫九土曰冀州舜以其分太大大離爲幽州爲并州程其水土與河南等常重十三故其人沈鷲多材力重許可能辛苦魏晉以下工機纖雜意態百出俗益卑弊人益脆弱唯山東敦五種本兵矢宅不能蕩而自若也產健馬下者日馳二百里所以兵常當天下冀州以其恃彊不循理冀其必破弱雖已被冀其復彊大也并州力足以并吞也幽州幽陰慘殺也聖人因以爲各黃帝時蚩尤爲兵階自後帝王多居其地周劣齊霸不一世晉大常備役諸侯至秦萃銳三晉經六世乃能得韓遂折天下脊復得趙因拾取諸國韓信聯齊有之故蒯通知漢楚輕重在信光武始於上谷成於鄴魏武舉官渡三分天下有其二晉亂胡作至宋武號英雄得蜀得關中盡有河南地十分天下之八然不能使一人渡河以窺胡至高齊荒蕩宇文取之隋文因以滅陳五百年開天下乃一家隋文非宋武敵也是宋不得山東隋得山東故隋爲王宋爲霸由此言之山東王者不得不爲王霸者不得不爲霸猾賊得之足以致天下不安天寶末燕盜起出入成皋函潼閒若涉無人地郭李輩兵五十萬不能過鄴自爾百餘城不下力盡不得尺寸人望之若回鶻吐蕃義無敢窺者國家因之畦河修障戍塞其街蹊齊魯梁蔡被其風流因以爲寇以裏括表以表撐裏混頰回轉顛倒橫邪未嘗五年閒不戰生人日頓委四夷日日熾天子因之幸陝

幸漢中焦然七十餘年運遭孝武解衣一肉不取不樂自卑冗中
拔取將相凡十三年乃能盡得河南山西地洗削更革罔不能適唯
山東不服亦再攻之皆不利豈天使生人未至於帖泰邪豈人謀未
至邪何其艱哉今日天子聖明超出古昔志於平治若欲悉使生人
無事其要先去兵不得山東兵不可去今者上策莫如自治何者當
貞元時山東有燕趙魏叛河南有齊蔡叛梁徐陳汝白馬津盟津襄
鄧安黃壽春皆戍厚兵十餘所才足自護治所實不輟一人以它使
遂使我力解勢弛熟視不軌者無可奈何階此蜀亦叛吳亦叛其它
未叛者迎時上下不可保信自元和初至今二十九年間得蜀得吳
得蔡得齊收郡縣二百餘城所未能得唯山東百城耳土地人戶財
物甲兵較之往年豈不綽綽乎亦足自以爲治也法令制度品式條
章果自治乎賢才姦惡搜選置捨果自治乎障戍鎮守干戈車馬果
自治乎井閭阡陌倉廩財賦果自治乎如不果自治是助虜爲虜環
上三千里植根七十年復有天下陰爲之助則安可以取故曰上策
莫如自治中策莫如取魏魏於山東最重於河南亦最重魏在山東
以其能遮趙也既不可越魏以取趙固不可越趙以取燕是燕趙常
取重於魏魏常操燕趙之命故魏在山東最重黎陽距白馬津三十
里新鄉距盟津一百五十里陣壘相望朝駕算戰是一津虜能潰一
則馳入成皋不數日開故魏於河南亦最重元和中舉天下兵誅蔡
誅齊頓之五年無山東憂者以能得魏也昨日誅滄頓之三年無山
東憂亦以能得魏也長慶初誅趙一日五諸侯兵四出潰解以失魏
也昨日誅趙罷如長慶時亦以失魏也故河南山東之輕重在魏非
魏疆大地形使然也故曰取魏爲中策最下策爲浪戰不計地勢不
審攻守是也兵多粟多敵人使戰者便於守兵少粟少人不敵自戰
者便於戰故我常失於戰虜常困於守山東叛且三五世後生所見
言語舉止無非叛也以爲事理正當如此沈酣入骨髓無以爲非者

至有圍急食盡啖屍以戰以此爲俗豈可與決一勝一負哉自十餘
年凡三收趙食盡且下邳士笑趙復振杜叔良敗趙復振李聽敗
趙復振故曰不計地勢不審攻守爲浪戰最下策也累遷左補闕史
館修撰改膳部員外郎宰相李德裕素奇其才會昌中黠戛斯破回
鶻回鶻種落潰入漠南牧說德裕不如遂取之以爲兩漢伐虜常以
秋冬當匈奴勁弓折膠重馬免乳與之相校故敗多勝少今若以仲
夏發幽并突騎及酒泉兵出其意外一舉無類矣德裕善之會劉鎮
拒命詔諸鎮兵討之牧復移書於德裕以河陽西北去天井關僅百
里用萬人爲壘望其口深壁勿與戰成德軍世與昭義爲敵王元逵
思一雪以自奮然不能長驅徑擣上黨其必取者在西面今若以忠
武武寧兩軍益青州精甲五千宣潤督手二千道絳而入不數月必
覆賊巢昭義之食盡仰山東常日節度使率留食邢州山西兵單少
可乘虛襲取故兵聞拙速未睹巧之久也俄而澤潞平略如牧策歷
黃池睦三州刺史入爲司勳員外郎常兼史職改吏部復乞爲湖州
刺史逾年以考功郎中知制誥遷中書舍人牧剛直有奇節不爲齷
齪小謹敢論列大事指陳病利尤切至少與李甘李中敏宋祁善其
通古今善處成敗甘等不及也牧亦以疏直時無右援者從兄惲更
歷將相而牧困躓不自振頗快快不平卒年五十初牧夢人告曰爾
應名畢復夢書皎皎白駒字或曰過隙也俄而炊甑裂牧曰不祥也
乃自爲墓誌悉取所爲文章焚之牧於詩情致豪邁人號爲小杜以
別杜甫云

樊川詩集目錄

卷一

感懷詩一首

杜秋娘詩

郡齋獨酌

張好好詩

冬至日寄小姪阿宜詩

李甘詩

洛中送冀處士東游

送沈處士赴蘇州李中丞招以詩贈行

長安送友人游湖南

皇風

雪中書懷

雨中作

偶游石盦僧舍

赴京初入汴口曉景即事先寄兵部李郎中

獨酌

惜春

題安州浮雲寺樓寄湖州張郎中

過驪山作

池州送孟遲先輩

重送

題池州弄水亭

題宣州開元寺

大雨行

自宣州赴官入京路逢裴坦判官歸宣州因題贈

贈宣州元處士

邨行

史將軍

卷二

華清宮三十韻

長安雜題長句六首

河湟

許七侍御棄官東歸瀟灑江南頗聞自適高秋企望題詩寄贈十韻

李給事二首

題永崇西平王宅太尉廟院六韻

東兵長句十韻

過勤政樓

題魏文貞

早春閣下宴直肅九舍人亦直內署因寄書懷四韻

秋晚與沈十七舍人期游樊川不至

念昔游

今皇帝陛下詔徵兵不日功集河湟諸郡次第歸降臣獲睹聖

功輒獻歌詠

奉和白相公聖德和平致茲休運歲終功就合詠感明呈上三相

公長句四韻

過華清宮絕句三首

登樂游原

聞慶州趙縱使君與党項戰中箭身死長句

送客州中丞赴鎮

夏州崔常侍自少常亞列出領麾幢十韻

街西長句

春申君

奉陵宮人

讀韓杜集

春日言懷寄號州李常侍十韻

李侍郎於陽羨里富有泉石牧亦於陽羨粗有薄產敘舊述懷因獻長句四韻

獻長句四韻

贈李處士長句四韻

送國基王逢

重送絕句

少年行

奉和門下相公送西川相公兼領相印出鎮全蜀詩十八韻

朱坡

早春寄岳州李使君李善琴愛酒情地閑雅

送王侍御赴夏口座主幕

自貽

自遣

題桐葉

沈下賢

李和鼎

贈沈學士張歌人

憶游朱坡四韻

朱坡絕句三首

出宮人二首

長安秋望

獨酌

醉眠

不飲贈酒

昔事文皇帝三十二韻

道一大尹存之學士庭美學士簡於聖明自致齊漢皆與舍弟昔年還往牧支離窮悴竊於一麾書美歌詩兼自言志因成長句四韻呈上三君子

杏園

杏園

杏園

春晚題韋家亭子

過田家宅

見宋拾遺題名處感而成詩

雪晴訪趙嘏街西所居三韻

將赴吳興登樂游原一絕

卷三

洛陽長句二首

洛中監察病假滿送韋楚老拾遺歸朝

東都送鄭處誨校書歸上都

故洛陽城有感

揚州三首

潤州二首

題揚州禪智寺

西江懷古

江南懷古

江南春絕句

將赴宣州留題揚州禪智寺

題宣州開元寺水閣閣下宛谿夾谿居人

宣州送裴坦判官往舒州時牧欲赴官歸京

句谿夏日送盧肅秀才歸王屋山將欲赴舉

自宣城赴官上京

春末題池州弄水亭

登池州九峯樓寄張祜

齊安郡晚秋

九日齊山登高

池州春送前進士蒯希逸

齊安郡中偶題二首

齊安郡後池絕句

題齊安城樓

池州李使君沒後十一日處州新命始到後見歸妓感而成詩

見劉秀才與池州妓別

池州廢林泉寺

憶齊安郡

池州清谿

游池州林泉寺金碧洞

卽事黃州作

贈李秀才是上公孫子

寄李起居四韻

題池州貴池亭

蘭谿

睦州四韻

秋晚早發新定

除官歸京睦州雨霽

夜泊桐廬先寄蘇臺盧郎中

新轉南曹未敘朝散初秋暑退出守吳興書此篇以自見志

題白蘋洲

題茶山

茶山下作

入茶山下題水口草市絕句

春日茶山病不飲酒因呈賓客

不飲贈官妓

早春贈軍事薛判官

代吳興妓春初寄薛軍事

八月十二日得替後移居雲谿館因題長句四韻

初冬夜飲

栽竹

梅

山石榴

柳長句

隋隄柳

柳絕句

獨柳

早雁

鷓鴣

鸚鵡

鵲

鴉

鷺鷥

邨舍燕

歸燕

傷猿

還俗老僧

斫竹

將赴湖州留題庭菊

折菊

雲

醉後題僧院

題禪院

哭李給事中敏

黃州竹徑

題愛敬寺樓

送劉秀才歸江陵

見吳秀才與池妓別因成絕句

湖南正初招李鄴秀才

贈朱道靈

屏風絕句

哭韓緯

新定途中

題新定八松院小石

卷四

往年隨政府吳興公夜泊蕪湖口今赴官西去再宿蕪湖感舊傷

懷因成十六韻

懷鍾陵舊游四首

臺城曲二首

江上雨寄崔碣

罷鍾陵幕吏十三年來泊潞浦感舊爲詩

商山麻澗

商山富水驛

丹水

題武關

除官赴闕商山道中絕句

漢江

襄陽雪夜感懷

詠歌聖德遠懷天寶因題關亭長句四韻

途中作

重到襄陽哭亡友章壽朋

赤壁

雲夢澤

除官行至昭應聞友人出官因寄

寄浙東韓又評事

泊秦淮

秋浦途中

題桃花夫人廟

初春有感寄歙州邢員外

書懷寄中朝往還

寄崔鉤

初春雨中舟次和州橫江裴使君見迎李趙二秀才同來因書四

韻兼寄江南許渾先輩

和州絕句

題烏江亭

題橫江館

寄潭州張舍人笛

寄揚州韓緯判官

送李羣玉赴舉

送薛種游湖南

題壽安縣甘棠館御溝

汴河懷古

汴河阻凍

酬張祜處士見寄長句四韻

寄宣州鄭諫議

題元處士高亭

鄭瓘協律

和野人殷潛之題簪筆驛十四韻

重題絕句一首

送陸滄郎中棄官東歸

寄珉笛與宇文舍人

寄內兄和州崔員外十二韻

遣興

早秋

秋思

途中一絕

春盡途中

題邨舍

代人寄遠

閨情

舊游

寄遠

簾

寄題甘露寺北軒

題青雲館

正初奉酬歙州刺史邢羣

江上偶見絕句

題木蘭廟

入商山

偶題

送盧秀才一絕

醉題

題商山四皓廟一絕

送隱者一絕

題張處士山莊一絕

有懷重送斛斯判官

贈別

寄遠

九日

寄牛相公

爲人題贈

少年行

盆池

有寄

樊川詩集目錄

111

[illegible]

處士齊燕趙魏唐書
世至劉承元朝明年六月朱克猷反傳六世有州四瀋龍更三城傳五
南與十二彰影傳合環千里疆千史項居上紀地方爭爲一家事淮南
通篇一危逆子嫁虜孫生名子華也相生著華也孫遜家自足遜通在後
西鄰聘東里釋名五家謂之鄰五鄉爲里左急熱同手足盧書落
寶巨興薛嵩田承嗣李正己唱和如宮徵禮志官徵旋韻各以次從歷
梁崇義相獨嫁愈然義妻裏禮文爭偕僭漢書禮樂志周監
法制自作爲續侯四書光武帝法今封禮文爭偕僭漢書禮樂志周監
墜階螭鬬角級格致鏡原王仁裕入洛記含元殿玉階三級水而排畫
屋龍交尾新序義公于是高龍聞鉤下之竊龍頭以萬龍尾于堂署紙日
替名爾雅藏服分財賞稱賜舊唐書趙悅傳朱洙稱策王悅稱趙王
魏告天治爲盟主網孤武俊納稱寡人又勸朱洙稱策王悅稱趙王
真定府魏州爲盟主網孤武俊納稱寡人又勸朱洙稱策王悅稱趙王
所委曰乞家爲國公下皆稱臣取與牛上書之賜割隍處原按王厲
飲呼南切銓笑也食欲也萬尋徐康萃賦丹崖綉垣疊千雉京賦西
恒錦屏切銓同上處同上萬尋徐康萃賦丹崖綉垣疊千雉京賦西
杜鰲昇于羊帷誓將付屨孫孟史曰冀州謂懼弱者爲異王也廷血絕然方

[illegible]